

沂州府志

15211000
234
15211000

沂州府志序

沂州蓋禹貢青徐地其升為郡
自雍正十二年始領一州六邑
顧州邑皆有志而郡特闕如一
切物情風尚與凡名臣碩彥之
竒蹟異能雜見於經籍者雖尚

沂州府志

序

可考而求其上下古今彙為一
集率未之覲豈真佞吏少文抑
操筆者之難其選也長壽李君
復庵以賢能守茲土公退之暇
斐然有述作之志乃延方聞之
士而徵引採摭得卷三十六分

門一十有五既成問序於余余惟
今之郡守即古之侯伯其志乘
即侯伯之國之史自非大義謹
嚴鮮不為有識所議故鄭樵以
為難能曩余備官詞苑奉
勅纂勘明史及一統志恒凜此意為

競也夫考獻徵文歷朝不免而
近學陋生枕經靡史或自詡賅
洽踈脫實多若體例未精謬訛
尤甚人之才不可強而度量
之相越亦遠也雖取辦一時難
以信今而傳後今此志之作也

事核而文詳目張而縉舉有開
設之美無冗濫之條蓋諸君子
才擅三長郡伯又從而增損焉
將與施武子之志會稽范致能
之志吳郡堪以並傳非徒脩採
風者之闕覽且今後之人按籍

披圖瞭如指掌其裨益豈淺鮮
哉昔朱子守南康甫下車即徵
郡志論者以為急所先務余謂
若李君者非有得於先賢之遺
意者歟

乾隆庚辰春三月既望

賜博學宏詞出身通議大夫山東按

察使仁和沈廷芳謹撰



[Faint vertical text, possibly bleed-through or a secondary inscription]

[Faint vertical text, possibly bleed-through or a secondary inscription]


沂州府志

序

四

[Faint vertical text, possibly bleed-through]

[Faint vertical text, possibly bleed-through]



序

自雍正十二年併沂莒兩直隸州
并所領縣置沂州府其境東濱海
東南鄰江南之海沭宿遷西界滕
泗新泰北接臨朐諸城縱橫各五
百餘里蓋兼青徐二州地春秋齊
魯莒邾郕費根牟顓臾陽向鄆
鄆蒲姑舊城其山則有琅琊馬陵

沂州府志

序

梁父云々峴弁艾龜蒙羽浮來馬鬣者
萬松之勝其水則有東海之大沂沭
涑洳汶墨濰涪之深且長溫湯漏澤
孝源狗跑諸泉之奇而著其人則
有太公望曾子仲子原子澹臺子公
明儀于定國疏廣疏受蕭太傅匡稚
圭貢禹劉虞諸葛瑾亮王祥王覽
羊祜王導逸少子敬羊欣顏含常

山魯公劉穆之蕭穎達王褒徐陵
焦弱侯之瑰偉絕特其風俗則敦龐
力食桑土繁滋雖地多陋阨風氣勁
急唐李白廳壁記稱君子以才雄自
高小人則鄙野難治此亦舊染或然今
承平熙洽百數十年漸摩

聖化類皆弦歌學道愛人易使沂介南北
之交固居然一望郡也戊寅春余來

沂州府志

序

二

監司單車巡歷俯仰山水之崇深
瞻訪耆賢之故里勞民疾苦與父
老咨嗟軼事輒低徊留之不能去
既而太守李君進曰是郡改置以來
未有志守土者甫草創脫稿願是
正之余捧而莊誦欣見其考據精
詳體例嚴謹隱揚合義繁以簡中節
喟然曰職方掌故此稱良已至於山

川人物余向所景仰與今茲足臨不
能徧到之處皆一卧遊而晉接晤對
于一堂之上可不謂幸歟太守沂人
年於茲篤愛士民直如家人父子教
養之端無不備舉近歲癸酉丁丑郡
屬蘭山郟城等邑兩罹水患太守躬
督蠲賑極細密無漏濫民多所全活
頌聲盈耳今年疏浚芙蓉燕子臨泥

等河更余目擊其胼手胝足為民遠
害而不自卹其身心之沉瘁者與夫
修文廟建考棚勸墾荒敷六區均堪
志以不朽東海固多循良吏而如
太守者汲長孺尹子見而後尤卓
僅見者也余奉牒遷去不能相忘
故書此以復 省

乾隆二十三年清和下浣

誥授資政大夫分巡兗沂曹兼黃河道陞
授湖南布政使司布政使前江蘇布
政使司布政使年家眷弟閩海許
松佶撰并書



序

沂古非郡也郡之自

本朝始先是雍正十二年總督河東王公奏請以莒州及所屬隸於沂立沂州府從之按其地爲齊魯鄒鄒諸境負山距河廣袤及千里東瀕於海南

沂州府志

序

控江淮青徐間一大都會也余昔奉使岱宗登高而望東海在指顧間龜蒙諸山蜿蜒環亘葱葱鬱鬱或曰此古少昊氏之墟漢時爲東海琅琊地汲長孺尹子兄所爲治者也余爲之流連低徊者久之歲庚辰奉

命觀察魯東荷蒙

天語訓示周詳而於沂俗尤縉縉加意跪
聆之下仰見

聖天子宵旰憂勤於海隅巘郡脩厓

宸衷如此下車巡歷所部攬其山川雲物
土風民習延諸父老問所疾苦特郡

沂州府志

序

二

守蜀中李君輯郡志甫竣手一編就
質余從筍輿中讀之言約事核不漏
不支覺六邑一州歷歷在行筍中矣
夫刺史於古爲方伯連帥漢時二千
石行部以六條察舉郡國所至勸農
桑興地利採其風謠戶籍上之天子

故郡之有志猶國之有史也山川險
易異其制民俗醇澆異其治土壤剛
柔燥濕異其宜與夫古今建置沿革
名臣循吏忠孝節義之所留遺高賢
碩士勞人思婦之所歌咏大之足以
裨益政教次之亦足以觀感人心誠

能一一而周悉之則施諸政事必有
裕如者何者其措之爲有本也沂爲
初設郡號稱難治李君爲政久其惠
愛在民者未可悉數顧於拊循之餘
更能徵文攷獻創爲志乘今觀其書
部署詳密綱舉目張而于田賦戶役

蚕桑水利郵傳嵯政尤兢兢乎三致
意焉海濱磽瘠之鄉何以蘇民困何
以興民行整肅嚴明之道與慈祥豈
弟之思相爲表裏寧第茹古漏今足
以資掌故脩觀覽已哉今

聖天子省方問俗勤求民瘼

沂州府志

序

四

翠華所蒞減賦捐租沂之民頻沐

恩膏咸安樂利而李君是志適成於以宣

揚

聖化訓俗型民琅琊東海之間民稱質樸
而李君之治有追蹤汲尹者以紓

九重東顧之殷而余亦得藉手以報焉其

於是編券之也夫

乾隆庚辰秋八月中浣

賜進士出身中憲大夫分巡山東兗沂曹

兼管水利黃河道前內閣侍讀學士

上書房行走光祿寺少卿通政使司叅議

右通政

沂州府志

序

五

日講官起居注翰林院侍讀學士年家眷

弟天門龔學海拜撰



叙

周官外史掌四方之志
之由未尚矣沂自改郡以
來二十餘年至今志猶闕
焉雖所領州邑不互紀載
其山川事物分裂於昔而

沂州府志

序

統會於今舊屬於彼而新
隸於此城郭殆是制度已
非若不通一郡而彙為全
書謂非曠典與癸酉春王
余奉

竹間命未守是邦取州邑志而觀

之或繁而未提其要或簡而未悉其詳求其繁簡得宜歸於體要者注々雜之而距今又數十年矣此數十年中太平既洽文流覃敷凡山川之奠麗鴻雁之

安集叢棗之脩舉庠序之振興皆前志所未及也况沂為四達之區我

皇上

六飛時駕父老於此瞻雲就日烏子弟於此歡欣趨事設離宮別館以望幸焉

車轍馬跡所至頌

聖德而被絃歌者不可勝數無
以志之其何以揚德意而
宣文教與竊不自揣而有
纂脩之志願其事至重不
敢輕舉博求郡邑之書旁

採薦紳之論爰聘吳江學
博潘小山商確攷訂閱三
年脫藁統為三十六卷為
多未慙繕呈臬憲重加函
正復延日照丁愷曾無錫
明經陳占五薛鵬程先後